

«MOTTAKERNAVN»
«ADRESSE»
«POSTNR» «POSTSTED»

Trondheim, 04.04.2017

Dykkar ref.:
[Dykkar ref.]

Vår ref. (bes oppgitt ved svar):
2017/1432

Sakshandsamar:
Geir Rune Rauset

Skadefelling av jerv i delar av Troms, region 8 - 2017

Miljødirektoratet set etter eige tiltak i verk skadefelling av inntil 2 jervar i delar av Troms region 8, jf. lov 19. juni 2009 nr. 100 om forvaltning av naturens mangfold (naturmangfoldloven) § 18 fyrste ledd b) og § 77, jf. forskrift 18. mars 2005 nr. 242 om forvaltning av rovvilt (rovviltforskriften) § 13 jf. §§ 1 og 3. Miljødirektoratet v/Statens naturoppsyn (SNO) er ansvarleg for gjennomføring av fellingsforsøka. Skadefelling vert gjennomført for å hindre skade på husdyr og tamrein.

Vi viser til Miljødirektoratet sine vurderingar og bakgrunnsinformasjon for vedtaket i vedlegget "Grunnlag for skadefelling av jerv i Noreg 2017".

Vi viser vidare til søknad frå Mauken Tromsdalen Reinbeitedistrikt v/ Nils Ole Henrik Oskal om skadefelling av jerv og dialog med rovviltnemnda i region 8 om prioriteringar av område for uttak av jerv.

Bestand og overvaking

Vi legg til grunn nasjonal status for bestandssituasjonen i vedlegg "Grunnlag for skadefelling av jerv i Noreg 2017".

I rovviltregion 8 er det fastsett eit bestandsmål på 10 årlege ynglingar av jerv - med delmål på 7 i Troms og 3 i Finnmark. Året 2016 vart det observert 14 ynglingar av jerv i region 8, og i dei to føregåande åra høvesvis 17 og 12 ynglingar (NINA rapport 1291). Av dei registrerte ynglingane i åra 2014 vart høvesvis 4, 4 og 1 ynglingar teke ut gjennom hiuttak.

For Troms vart det registrert høvesvis 7, 9 og 8 ynglingar for perioden 2014-2016.

Så langt i denne overvakingssesongen har det ikkje blitt dokumenterte jerveynglingar i region 8.

I løpet av lisensfellingsperioden for jerv i 2016-2017 vart det til saman felt 23 jervar i region 8. I Troms vart det felt 8, og av desse vart 7 felt på lisens og ein på skadefelling.

Skadesituasjon og erstatning for rovviltskader

I Troms reinbeiteområde vart det for reindriftsåret 2015/2016 utbetalt erstatning for 536 tamrein (376 kalv) som tap til jerv, noko som utgjer 18 % av totalt erstatta rein til freda rovvilt i området. Dette er det høgaste talet erstatta rein siste 10 åra, medan andelen jerv av totalt erstatta ligg rundt gjennomsnittet for perioden.

Fylkesmannen i Troms utbetalte erstatning 86 sau og lam som tap til jerv i 2016, noko som utgjer 7% av samla erstatning for tap av sau og lam til ferda rovvilt. Dette er lågaste tala siste ti år, både i tal på dyr og andelen av total erstatning for saueskader.

I det aktuelle området for uttak av jerv er det dokumentert 3 rein drepne av jerv for driftsåret 2016/2017 av totalt 12 dokumenterte jerveskader på rein i Troms. Skadepotensialet for rein og sau vert vurdert som relativt stort.

Miljødirektoratet sine vurderingar

Direktoratet konstaterer at lisensfelling ikkje har vore tilstrekkeleg for å regulere bestanden av jerv og dermed redusere skadepotensiale overfor beitenæringane i enkelte område av region 8. Skadehistorikk og skadepotensiale for tamrein og sau er gjeve avgjerande vekt i vurderinga. Bestandssituasjonen for jerv, nemnda si prioritering av aktuelle område for uttak og geografisk differensiering nedfelt i forvaltningsplan er andre moment som direktoratet har vektlagt i si vurdering. Vi legg til grunn nasjonal status og lovgrunnlaget i vedlegg "Grunnlag for skadefelling av jerv i Noreg 2017". Miljødirektoratet har hatt dialog med rovviltnemnda om saka.

Direktoratet vurderer at det ikkje ligg føre noko anna tilfredsstillande løysing i det aktuelle området enn ekstraordinært uttak av jerv vinteren/våren 2017. Eit slikt uttak vert vurdert til ikkje å vere til skade for jervebestanden si overleving, eller å kome i konflikt med det nasjonale bestandsmålet for jerv, jf. Innst. S. nr. 174 (2003-2004) og rovviltforskriften §§ 3 og 4.

Konklusjon

Ut frå vurderingane ovanfor og med heimel i lov 19. juni 2009 nr. 100 om forvaltning av naturens mangfold (naturmangfoldloven) § 18 fyrste ledd b) og § 77, jf. forskrift 18. mars 2005 nr. 242 om forvaltning av rovvilt (rovviltforskriften) § 13, jf. §§ 1 og 3, set direktoratet av eige tiltak i verk felling av inntil 2 jervar innanfor nærare avgrensa område i Troms fylke. Forsøk på felling skal primært rettast mot område med jerveskader på sau og/eller tamrein.

Følgjande vilkår er knytt til iverksetjing av felling:

1. Fellingsområde og tal: Totalt kan det fellast opp til 2 enkeltdyr av jerv i Troms fylke avgrensa av E6 i aust og FV858 Skjæret - Nordfjordbotn i nord

2. Miljødirektoratet v/Statens naturoppsyn er ansvarleg for gjennomføring av fellingsforsøket. Fellingsforsøket vert gjennomført i tråd med fastsett Instruks for det statlige fellingslaget ved uttak av vilt.

3. Dersom yngling blir påvist i området der forsøk på felling av enkeltdyr er i gang, skal direktoratet varslast og gjere ei vurdering om løyve til felling av enkeltdyr skal endrast til uttak og avliving av årsunge (/ar) og mordyr frå ynglehi.

4. Vedtaket gjeld i tidsrommet 31. mars - 4 april 2017.

5. Miljødirektoratet kan til ein kvar tid trekkje tilbake løyve til felling.

Et slikt uttak av eige tiltak er ikkje eit enkeltvedtak, og forvaltningsloven sine klagereglar kjem ikkje til bruk, jf. naturmangfoldloven § 18 tredje ledd.

Fellingsløyve vart fyrst gjeve i e-post til SNO, rovviltnemnda region 8 og fylkesmannen i Troms 30.mars 2017.

Dette brevet vert sendt til rovviltnemnda i region 8, Fylkesmannen i Troms, vedkomande kommunar og politidistrikt, Klima- og miljødepartementet, Landbruks- og matdepartementet og Mattilsynet.

Helsing
Miljødirektoratet

Dette dokumentet er elektronisk godkjend

Susanne Hansen
fung. seksjonsleiar

Geir Rune Rauset
rådgjevar

Tenk miljø - velg digital postkasse frå e-Boks eller Digipost på www.norge.no.